

**BH-GAS**UNIVERZITETSKO SPORTSKO DRUŠTVO • **bosna** • Sarajevo
RUKOMETNI KLUB - HANDBALL CLUB**bosna - bhgas**

Hamze Hume br.2, 71000 Sarajevo, tel/fax: ++387 33 259 220, 553 331, tel.: +387 33 777 592
e-mail: info@rkbosnasarajevo.ba www.rkbosnasarajevo.ba

SAOPŠTENJE ZA JAVNOST

RK Bosna BH Gas, osvajanjem šeste Titule Prvaka BiH, te pete Titule Pobjednika KUP-a BiH i u ovu sezonu ulazi sa velikim ambicijama. Osim dominacije u domaćem prvenstvu, cilj Kluba je i uspjeh u Ligi Šampiona. U prethodnim sezonama, naše takmičenje u ovom najelitnijem klupskom takmičenju u Europi, završavalo je u prvoj fazi takmičenja, a ove sezone želimo napraviti korak više.

Što se tiče igračkog kadra za narednu sezonu, okosnica ekipe koju čine: Međić, Pucelj, Nekić, Kapisoda, i u narednoj sezoni branit će boje našeg Kluba. Osim gore navedenih, želja Kluba je da u svojim redovima i naredne sezone imamo Damir Doborca, čiji status još uvijek nije riješen, obzirom da je u samom startu dogovorena dvogodišnja saradnja i uslovi koji su za Klub i Igrača bili prihvatljivi, međutim uslovi koji su od strane Igrača upućeni prema Upravnom Odboru Kluba, nakon prve odigrane sezone, nažalost u ovom trenutku nisu prihvatljivi.

Što se tiče Igrača koji su napustili Klub, Nebojša Grahovac je, nakon tri uspješno odigrane sezone, napustio naše redove i od naredne sezone, branit će boje Monpeljea, jednog od najkvalitetnijih Klubova u Europi. Osim Grahovca, Klub je napustio i Vedran Banić, jedan od igrača koji je prije dolaska u naš Klub dugo godina bio u sjeni rukometne javnosti, a koji je dolaskom u Bosnu, vođen jednim od najkvalitetnijih trenera u Europi Irfanom Smajlagićem, napravio veliki iskorak u karijeri. Na kraju, ostaje gorak ukus nakon odlaska navedenog igrača, jer je u svojim izjavama direktno naštetio ugled Kluba. Izjave o kašnjenju finansijskih obaveza Kluba prema igraču i neprofesionalnosti i nepoštivanju datih obećanja nisu tačne.

Koristimo ovu priliku da se svim sredstvima javnog informisanja zahvalimo na medijskoj podršci koju nam pružate u svim dosadašnjim uspjesima našeg Kluba, uz nadu da ćemo, našim uspjesima u narednom periodu, na najbolji način opravdati Vaše ukazano povjerenje.